

玄帝燈儀 法事如式

臣聞應化無窮常處玄都之金闕本形不動
 已生淨樂之王宮斂萬物而為一身散一神
 而為萬境靈通太妙道備鬱明上開混沌之
 玄下統虛危之宿撫成地紀實育天元持造
 化於四時總權綱於一炁肅清宇宙鎮靜乾
 坤德並諸天功濟浩劫十極悉依於神化九
 霄咸賴於真威利濟群生而利博難言功加
 萬有而功成不處巍巍聖德湯湯真風既竭
 凡才紀之莫德今其人夙欽聖化久被真恩
 羅列香燈進陳酒果通光於禁上常融之境
 續明於天一真慶之宮獻此寶燈特垂洪造
 暫降飛雲之輦納茲行潦之鶴寄俟真光俯
 祈時懋不勝戰懼謹以奏聞稽首皈依虔誠
 讚詠 舉 聖號

臣眾等志心歸命北極鎮天真武玄天上
 帝真君一切神仙諸靈官

臣聞數盡層窮有餘殃之未殄運推劫始奈
 舊滌之猶存尚執澆漓不還淳朴六天伺隙
 九醜乘機始欲害於惡民因中傷於善類怨

積下土毒衝上天自非大道之慈悲安得上
 真之濟度念爾元元之眾傷于總總之妖於
 是元始頒符真事受命既匪一朝一夕之故
 有煩七日七夜之勤人鬼乃分重黎莫位惟
 神之德永劫常存今其人稱頌元功敬陳淨
 供仰瀆高天之聽俯伸翼翼之誠志心歸命
 北極鎮天真武玄天上帝伏願寶炬騰輝上
 燭玄枵之次蘭膏續焰旁通天一之宮真仙
 仗之遐臨祈雲輶之下邁求祈百福殄滅千
 災注生籍於南宮削罪名於北府學道悟无
 形之妙修真獲隱景之方災障不干精邪蕩
 散百神守護萬事先知稽首皈依虔誠讚詠
 惟爾玄元 衆妙之尊 不言而教 莫知其神
 渺渺德劫 綿綿若存 虛心實腹 和光同塵
 鑿開造化 撲散胚渾 六百萬歲 八十二身
 曲全枉直 窪盈蔽新 扶衰度厄 起死成人
 其功不恃 其德乃貞 今宜再顯 永鎮北星
 上罰逆象 下滅妖氛 飛符走籙 遊行乾坤
 甲庚之將 贊衛爾身 周環六合 普護兆民
 魔鬼水滅 道炁長存

臣眾等志心歸命北極鎮天真武玄天上
 帝真君一切神仙諸靈官

臣聞眾星拱北而知北極之專諸數始一乃
 見數一為首自非全功全德豈能為首為尊
 仰為玄武之至真永鎮北方之大位化生十
 號老君本自於強名託籍諸天真武伏曰於
 應化神功赫赫聖烈洋洋欲頌真事已殫誠
 意今其人肅清庭宇齋沐身心仰叩玄天輒
 據丹悃志心歸命靈應佑聖真君伏願花開
 善瑞爐落浮災泉曲分光羅九幽之業對羅
 鄴洞釋原七世之愆尤近逝先亡登真離苦
 家多孝悌世足忠良千災五散萬福咸臻稽
 首皈依虔誠讚詠
 北極玄天 香香神君 億千變化 玄武靈真
 騰天倒地 驅雷奔雲 隊仗千萬 掃蕩妖氛
 雷公電母 玉女將軍 鬼神降伏 龍虎潛奔
 威鎮五岳 萬靈咸遵 鳴鐘擊鼓 遊行乾坤
 收捕逆鬼 摧斬魔群 除邪輔正 道炁長存
 臣眾等志心歸命北極鎮天真武玄天上
 帝真君一切神仙諸靈官

臣聞玉虛師相金闕化身自在於無有之鄉
 逍遙於聖凡之境或去為十天之主或來作
 百王之師故八十次顯為老君亦八十二號
 為玄武現相或異本體無殊含陰育陽躡龜
 蛇而成妙用司南居北示離坎而作乾罡道
 德難知功勳不紀故在地有太和之境為武
 可當在天有壬癸之方非玄不授無涯功德
 難盡讚揚今某人灑掃塵居宏陳法席願望
 虛危之次馳誠北極之天俯賜寬旌少留臆
 馭納此蘋蘩之薦鑒茲豺獮之誠下憫丹衷
 伸知素惱志心歸命靈應佑聖具君伏願瑞
 開金羊之焰祥輝銅鴨之光下破重昏上通
 無極存亡受惠長幼蒙恩宅宇光輝門闌喜
 慶災不生而禍不作家愈富而業愈隆錫五
 福於身宮除六極於眷屬恩推上聖悉賴真
 休稽首皈依虔誠讚詠

闡揚正教 蕩邪辟兵 化洽黎兆 協贊中興
 敢有小鬼 輒撓生靈 悉皆消滅 永不留停
 究穢消蕩 道悉長存
 調經 化財 回向
 玄帝燈儀 終



九天三茅司命仙燈儀

法事如式

伏以太極分形秀峙華陽之福地真仙顯跡
 靈彰句曲之名山深闕金壇遠通玉洞疊嶂
 參差而煙凝含翠重岡枕帶而日映分紅異
 草薦馨靈芝表瑞虎嘯龍吟而風雲吐納鶴
 翔丹現而仙駕迴還爰有具君實為司命糾
 仙凡之功過掌生死之權衡纖細不遺毫分
 無失治赤城而冊編九錫佐青嶽而職隸三
 峯顯著聖德仁總司天地水令古均沾於惠
 澤邈遐咸沐於恩波臘二春三燦天燈而烟
 烟普天之下投香信以奉奉凡有歸崇悉蒙
 孚祐以今讚燈弟子某人宿慕真風久依道
 蔭聳瞻三秀常懷敬奉之心傾竭一忱仰答
 生成之惠維時吉日輒啟清齋肅其旌敷
 陳妙範琅函玉笈憑羽士以宣揚寶籙金幢
 想霄衢而下邁虔誠點照九天三茅司命真
 君瑞像仙燈明續三真光齊二景道崇紫陽之
 妙炁符絳府之沖和伏願吐露瑞花筮嘉祥
 於此日圓成道果膺福壽於今生副以微誠